

GKSA NUUSBROKKIES

Sondag 14 Maart 2021

LIEF EN LEED

Beterskapwense

Ons bid vir almal wat operasies ondergaan het of tuis aansterk of nog vir 'n operasie in die komende week moet gaan Gods seën op 'n spoedige herstel toe.

Hartlike gelukwense aan die volgende predikante/professore en eggenotes met hul verjaardae

- 12 Maart Mev MM van der Walt (Martha), eggenote van prof PC van der Walt (Chris) – TSP
- 13 Maart Dr SN Jooste (Simon) – RC Southern Suburbs
Dr PT Masase (Thomas) – GK Boskop
- 14 Maart Ds RB Fourie (Reynold) – GK Bellville-Oos
- 15 Maart Mev SE Janse van Rensburg (Suné), eggenote van ds G Janse van Rensburg (Gerhard) – GK Durban-Noord
- 17 Maart Mev ES Botha (Salome), eggenote van dr C Botha (Chris) – GK Die Kandelaar



Hartlike gelukwense aan die volgende emeriti met hul verjaardae

- 11 Maart Dr JM van Tonder (Kobus) – GK Krugersdorp-Wes/Magalieskruin
Mev AM Snyman (Anita), weduwee van ds EFJ Snyman (Ewert) – GK Orkney
Mev LJ Cilliers (Louisa), eggenote van ds SA Cilliers (Sarel) – GK Waterberg
- 12 Maart Ds CP Semenya (Cypril) – GK Katlehong
Dr BAJ van der Merwe (Belia), eggenote van dr SJ van der Merwe (Sarel) – GK Mafikeng
- 14 Maart Mev HS Smit (Sannie), eggenote van ds DWJ Smit (Danie) – GK Springs
Mev HM Buys (Hanneke), eggenote van dr PJ Buys (Flip) – GK Pothefstroom-Die Bult
Ds IJV Kruger (Koos) – GK Tsumeb
Mev ME Venter (Mila), eggenote van ds PA Venter (Piet) – GK Linden

- 14 Maart Mev AM Odendaal (Annemie), weduwee van ds PA Odendaal (Pieter) – GK Harrismith
- 15 Maart Mev A Mandiwana (Anna), weduwee van ds TA Mandiwana (Alfred) – GK Kanyamazane
- 16 Maart Mev HJG van der Walt (Barbie), weduwee van dr T van der Walt (Tjaart) – GK Wapadrant
Mev AM Bekker (Gretha), eggenote van dr IL Bekker (Izak) – GK Hartbeespoort
Dr PJ Buys (Flip) – GK Potchefstroom-Die Bult
- 17 Maart Ds LJ van der Walt (Kobie) – GK Vanderbijlpark Trinitas

Gods ryke seën word u toegewens vir die nuwe lewensjaar (Ps 16:5, 6)

Hartlike gelukwense aan mev Elsabé Labuschagne met haar aanstelling as Registrateur van die Teologiese Skool met ingang 1 April 2021. Mev Labuschagne neem by mev Ami du Toit oor wat aan die einde van Maart 2021 aftree.



KERKLIKE ADMINISTRASIE

Beroepe bedank

- Ds RB Fourie (Reynold) van GK Bellville-Oos na GK Vanderbijlpark Trinitas
- Ds KP Steyn (Karel) van GK Vredenburg/Saldanha na GK Boksburg

Bevestigings



Die bevestiging van **ds Kosie Henning** van GK Daspoort, sal op 13 Maart 2021 plaasvind. Die bevestiging sal deur ds Ben Smit van GK Pretoria-Meintjeskop hanteer word.

Ds Henning lewer sy intrepreek op Sondag, 14 Maart 2021.

Die bevestiging van **ds Jannes van Dyk** van GK Potchefstroom, sal op 14 Maart 2021 plaasvind. Die bevestiging sal deur sy swaer, ds Nelius van Rooy van GK Elandskraal hanteer word.

Ds Van Dyk lewer sy intrepreek op Sondag, 21 Maart 2021.



Emeritering

Ds Izak de Villiers van GK Kemptonpark-Noord het einde Februarie 2021 geëmeriteer.

Veranderinge in kontakbesonderhede

GK Die Kandelaar

Attes-skriba: attes-skriba@gkkandelaar.co.za

GK Pretoria-Rooiwal

Emerituspredikant: Dr AH Bogaards (Attie) se e-posadres het verander na troos333@gmail.com

Sy selnommer is 081 418 6362 en Tuisblad/blog: www.enigstetroos.co.za

Proponente beroepbaar gestel



Proponent P Hattingh (Philip en Elzaan)

Sel: 078 126 7339

E-pos: hattphil@gmail.com



Proponent MD Letebele (David en Emily)

Sel: 079 064 4754 of 073 558 5533

E-pos: serameletebele@gmail.com



Proponent JA Linde (Jaco en Suzaan)

Sel: 062 552 5492

E-pos: lindejaco@gmail.com

Proponent IJ van der Westhuizen (Izak en Carolien)

Sel: 079 181 1580

E-pos: ijvdw1995@gmail.com



Klassisvergaderings

Datum	Klassis	Roepende Kerkraad	Tyd
13 Maart 2021	Sentraal-Oosrand	GK Primrose	09:00
13 Maart 2021	Wesrand	GK Magaliesburg	09:00
16 Maart 2021	Krokodilrivier	GK Brits	09:30
16 Maart 2021	Potchefstroom	GK Promosa	18:00
12 April 2021	Trans-Magalies	GK Kameeldrift	18:00
19 April 2021	Oostelike Pretoria	GK Wapadrant	18:30
19 April 2021	Pretoria-Suidwes	GK Elandspoort	19:00
20 April 2021	Noordwes	GK Sannieshof	09:00
18 Mei 2021	Noord-Vrystaat	GK Monyakeng	09:00

Kerkblad se geldkas dolleeg

Dringende beroep: Laat belangrike gereformeerde stem steeds gehoor word

Die *Kerkblad* vra kerkrade moet dringend saamwerk om hierdie unieke gereformeerde stem te versterk en te keer dat dit vir altyd stil word.



Die Redaksiekommissie sê al is die tydskrif vanjaar 147 jaar oud en is die taal in die ouer uitgawes soms vreemd, is baie van die artikels vandag nog relevant.

“Die vraagstukke waaroor gelowiges vrae het, herhaal van geslag tot geslag. Dit kan ook nie anders vir mense wat onbeskaamd erns met die gesag van die Skrif maak nie ... Die evangelieboodskap van gister, is ook die evangelieboodskap vir vandag. Die Woord van die Here geld onveranderd deur die eeue vir dié wat daarna vra.”

Die Redaksie van *Die Kerkblad*

staan onbeskaamd in hierdie gebaande weg. “Ons wil *Die Kerkblad* relevant vir ons lesers aanbied en toespits op aktuele vraagstukke, maar sonder om die evangelieboodskap te verdun of aan te pas.”

Daarom skryf die redaksiekommissie in hierdie krisistyd aan alle kerke en vra dat kerkrade sal help om *Die Kerkblad* Skrifgetrou sowel as aktueel as deel van ’n groter plan te laat voortbestaan.

Amper alle kerkgenootskappe se publikasies verkeer onder ernstige finansiële druk weens die koronapandemie. Maar, sê hulle, “tans is ons nie bereid om aan die Sinode te rapporteer dat hierdie unieke gereformeerde stem in die kerkverband, maar ook in Suid-Afrika, tot niet gaan nie ... Ons ontwikkel daarvoor ’n plan met verskillende fasette.”

Die redaksie het deeglike besin en tot die gevolgtrekking gekom dat ’n aansienlike vermeerdering in die getal intekenare die eenvoudigste weg is om *Die Kerkblad* se oorlewing te verseker.

Daarom vra hulle kerkrade se hulp soos volg:

- Om ’n skakelpersoon in elke gemeente aan te wys om *Die Kerkblad* aan die gemeente (en ander belangstellendes) bekend te stel en te verkoop, en met die redaksie te skakel. Enige probleme en vrae kan so direk aandag kry.
- Om insette oor byvoorbeeld die inhoud, uitleg, taal en styl van *Die Kerkblad* aan die redaksie deur te gee sodat dit op die hoogs moontlike standaard kan wees en in voeling met lesers se behoeftes.

Die redaksiekommissie vra egter dat kerkrade nie “teenproduktief” vir die werwing van intekenare sal optree nie. “Gemeentes kan met die beste bedoeling lesersgetalle bevorder deur byvoorbeeld ’n elektroniese kopie van *Die Kerkblad* beskikbaar te stel of om harde kopieë daarvan uit te druk,” sê die redaksie.

“Dit verhoog die druk op die voortbestaan van die publikasie omdat potensiële inskrywings daarmee verlore gaan.”

Hulle vra kerkrade vriendelik dog dringend om met hulle saam te werk om die gereformeerde stem wat *Die Kerkblad* vir die kerke en die samelewing bied, in stand te hou én vir die toekoms te verseker.



Red ons Kerklike Tydskrifte

Dringende versoek om finansiële hulp vir die voortbestaan van die GKSA se Kerklike Tydskrifte

Die Deputate Kerklike Tydskrifte neem hiermee die vrymoedigheid om die kerke te nader met 'n dringende versoek om te verhoed dat ons kerklike tydskrifte finansiëel ondergaan.

Ons kerklike tydskrifte, wat deur die kerke tot stand gebring is, verkeer tans in die grootste krisis van hulle bestaan, en daar is 'n wesentlike moontlikheid dat 'n blad soos *Die Kerkblad* na 147 jaar nie langer sal kan voortgaan nie.

Daar is volgens die oordeel van die Bestuur veral twee redes vir die huidige krisis. In die eerste plek het die bydraes van ons kerke drasties afgeneem as gevolg van die ekonomiese situasie in ons land. Hiermee saam het die koronapandemie 'n belangrike rol gespeel deurdat kerke vir baie maande nie eredienste kon hou en kollektes vir die kerklike tydskrifte nie ingesamel kon word nie.

Tweedens neem die intekenaretaf voortdurend af en moet 'n klein groepie intekenare die stygende koste dra. Wat 'n blad soos *Die Kerkblad* betref, is daar op die oomblik net meer as 1300 intekenare wat die papierkopie ontvang.



Wat *Die Kerkblad* alleen betref, beloop die tekort vir die afgelope 30 maande 'n bedrag van R160 000.00. Gevolglik is die fondse van *Die Kerkblad* geheel en al uitgeput. Die situasie by die *Vroueblad* en *Slingervel* is ook kommerwekkend. Die Bestuur van die Buro, saam met die Deputate vir Kerklike Tydskrifte en die redaksies gee tans dringende aandag aan die saak, maar sonder die hulp van ons kerke, wat uiteindelik die verantwoordelikheid vir die tydskrifte dra, is 'n blywende oplossing nie moontlik nie. 'n Dringende vergadering van die Deputate Kerklike Tydskrifte saam met lede van die Bestuur is op 3 Maart 2021 gehou om die krisis indringend te bespreek en alternatiewe wyses van bemerking en verspreiding van die tydskrifte te probeer vind. Die saak van elektroniese verspreiding het onder andere aandag gekry asook metodes om die finansiële tekorte aan te vul en kostes drasties te besnoei.

Die Deputate Kerklike Tydskrifte het volle begrip vir die finansiële situasie waarin baie gemeentes hulle bevind. Ons is egter ook bewus van gemeentes en individuele lidmate wat werklik in die vermoë is om 'n bydrae te kan maak.

Ons kan die erns van die situasie nie genoeg beklemtoon nie. Daarom doen ons 'n dringende beroep op ons kerke om ons behulpsaam te wees om hierdie krisis te hanteer. Dit kan gebeur deur:

- "agterstallige kollektes" dringend aan te stuur;

- behalwe die kollektes, ekstra bydraes te oorweeg wat nie noodwendig in een bedrag oorbetaal hoef te word nie;
- deur 'n beroep te doen op vermoënde lidmate om 'n bydrae vir hierdie belangrike saak te oorweeg.

Ons versoek dan ook dat u asseblief hierdie skrywe aan al die lidmate deurgee.

Ons is oortuig dat die uitdra van die Bybelse beginsels en waarhede deur middel van ons kerklike tydskrifte 'n blywende roeping is. Mag ons kerke die genade ontvang om ook in hierdie opsig ons verantwoordelikheid voor die Here na te kom.

Ons neem ook die vrymoedigheid om u voorbidding vir ons kerklike tydskrifte te vra, en verseker u graag van ons voorbidding vir U as kerkraad en gemeente van ons Here Jesus Christus.

DIE GEREFORMEERDE
Vroueblad
MAART/APRIL 2021



Paasfees

- Donderdagaand tot Sondagoggend...
- Elke Paasfees besonders
- “Ek is verraai”
- Tuisvoorleesprogramme vir Paasnaweek

PRYSE (per tydskrif)
Self-afhaal: R 40-16; Groepe (pos): R 58,50; Individue (Pos): R 63 | Elektronies (enkel): R 25
Elektronies (3 uitgawes): R 21 | Elektronies (6 uitgawes): R 16,66

Bankbesonderhede van die Administratiewe Buro

Bank Absa

Takkode 632 005

Rekeningnaam Administratiewe Buro

Rekeningnommer 670 140 040

Verwysingsnommer Tydskrifte en kerk/persoon se naam



GEDAGTE VIR DIE WEEK

Dit sê Ek vir julle, sodat julle vrede kan vind in My. In die wêreld sal julle dit moeilik hê; maar hou moed: Ek het die wêreld oorwin.

Johannes 16:33